

ըստ Ստեփաննոս Օրբելեանի տեղեկութեան, ամուսնացել էր Սիւնեաց նախաժողովրդին թագաւոր Գրիգոր Բ-ի միակ դուստր եւ ժառանգորդ Կատայի հետ: Իր աներոջ ու նրա Սմբատ եղբոր՝ նոյն տարում վախճանուելուց յետոյ Հասանը դարձաւ Բաղաց թագաւորութեան վերջին գահակալը, իսկ Բաղաբերդի անկման նախօրէին ստիպուած եղաւ կնոջ եւ ընտանիքի հետ հեռանալ «ի գաւառ իւր եւ ի տուն ի Խաչէն [տաւր. Խաչէնք]»¹⁰⁶: Նշենք նաեւ, որ Զալալ Դոլայ Հասանը մի քանի վիճաբերում կոչուած է «թոռն Բաղաց թագաւորի» (ընդ որում, այդ բնորոշումը երբեմն վերագրել են նրա կողքին յիշուած կնոջը՝ Մամքանին, որն իրականում Մամքաբերդի Կիւրիկեան արքայադուստր էր)¹⁰⁷: Ի դէպ, նախկինում իր կատարած սխալն ուղղելով, վերը նշուած Խաթունի 1181 թ. տապանադիրը քննելիս Հասան Մեծի եւ Հասան «Գեռաբարեցու» նոյնութիւնն, ի վերջոյ, ընդունում է նաեւ Բաղրատ Ուլուբաբեանը, որը գրում է. «Առաւել հիմնաւոր է ճանաչուած Գարեգին Յովսէփեանի կարծիքը, որի համաձայն՝ Հասանը պէտք է լինէր Գեռաբարի տէր

Խաղբակեաններից, եւ նրա արձանագրութիւններն էլ պահպանուել են Գեռաբարի կողմերում՝ նրան ներկայացնելով իբրեւ Խաղբակեան Զաթուռի եղբոր եւ Խաղբակի որդու (Գարեգին Կաթողիկոս [Յովսէփեան], Խաղբակեանք կամ Պոռեանք Հայոց պատմութեան մէջ, Անթիլիաս, 1969, էջ 16, 41): Սակայն յիշեալ վարկածներից եւ ոչ մէկը չի հիմնաւորում աղբիւրագիտական ստույգ նիւթերով: Եւ ահա այս խաչքարի արձանագրութիւնը գալիս է Հաստատելու, որ Բաղաց Կապան թագաւոր զնացած-վերադարձածը, - որն ամուսնացել էր Բաղաց թագաւորի դստեր հետ, - եղել է Խոխանաբերդի տէր Վախտանգի որդի Հասանը: Ստ. Օրբելեանի կողմից նրան տուած «գեռաբարեցի» որոշիչը չի խանգարում մեր տեսակէտին, քանի որ Գեռաբարը գտնուում է Խոխանաբերդի մօտ եւ մտնում էր Խոխանաբերդի կամ Ներքին Խաչէնի իշխանութեան տիրոջ թների մէջ: Զարմանալի չէ նաեւ Ստ. Օրբելեանի կողմից Թագուհուն տրուած Կատա անունը: Պէտք է մտածել, որ կա՛մ Բաղաց թագաւորի դուստրն ունեցել է կրկնակ անուն, կա՛մ էլ պատմիչն է անունը չփոթել: Ուրիշ կերպ չի կարող լինել, որովհետեւ նոյն Օրբելեան պատմիչի միւս տեղեկութիւններից գիտենք, որ միայն Գրիգոր թագաւորի միակ դուստրն է ամուսնացել Խաչէնի իշխանագունի հետ, որի անունն էլ եղել է Հասան: Ըստ այսմ թիւրքմացութիւն պիտի համարել Հասան Մեծի կնոջ Մամքան անունը (Բ. Ա. Ուլուբաբեան, Խաչէնի իշխանութիւնը X-XVI դարերում, էջ 85 եւ «Առանշահիկների տոհմաձառը»)¹⁰⁸:

Յաւելենք, որ Ստեփաննոս Օրբելեանը Սիւնիքում Հասան Խաչէնցու կարճատեւ գահակալումը թուագրում է 1166-1170 թթ.,

106 Տե՛ս Ստեփաննոսի Սիւնեաց եպիսկոպոսի Պատմութիւն տաճն Սիսական, գլ. Կ, էջ 233:

107 Դիւան հալ վիմագրութեան, պր. V, էջ 29 (N 59), էջ 40-41 (N 83), էջ 80 (N 239): Հմմտ. ստորեւ, ծմբ. 219: Վիմագրերում իշխանը կոչուած է ե՛ւ Հասան, ե՛ւ Զալալ, ե՛ւ Դաւիթ, ե՛ւ Հասան Զալալ, ե՛ւ Զալալ Դաւիթ: Դիւան-ի V պրակում եւ այլ վիմագրական ժողովածոներում հրատարակուածներին պէտք է անելացնել Գախորդ տասնամեակի սկզբին Համլետ Պետրոսեանի յայտնաբերած 10 տողանոց արձանագրութիւնը (Գ. Ա. Սեդրաք, Новонайденный хачкар из Арачадзора, - ԼՀԳ, 1991, թիւ 4, էջ 147-152): Խօսուածքային ոճով բնագիրն է (փոքր սրբագրումներով՝ ըստ լուսանկարի եւ գրչանկարի). «ԹՎԻՂ: 29: [=1257 թ.]: Իշխանութիւն Զալալ/իւն, պատրոնութեան Հասանալ, / եւ՝ Սահլում, գնացել եմ ի Մուր/դն ու գնացել եմ ի Սոնէթ ու գնացել եմ ի Կասարիայ, ու :Բ: հետի / ի առաւմ եմ մտել ու խաղաղութիւն դուս եկել: Կանգնեցի խաչս ինձ եւ անուանի իմ. յաղաթս յիշեց՛ք. յաղաթս յիշեց՛ք»:

108 Բ. Ա. Ուլուբաբեան, Գանձասար, էջ 155: Հասան Մեծի՝ երկու անգամ ամուսնացած լինելը (Կատայի եւ Մամախաթունի հետ), ինչպէս նշեցինք վերեւում, իրաւացիօրէն ընդունուած է նաեւ Կիրիլ Թումանովի կողմից (տե՛ս ծմբ. 100):